

**SKUPŠTINA HERCEGOVAČKO-
NERETVANSKOG KANTONA**

49

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je, na sjednici održanoj dana 05.03.2012. godine, donijela

**Z A K O N
O IZMJENAMA I DOPUNAMA ZAKONA O
IZVRŠENJU SANKCIJA
U HERCEGOVAČKO-NERETVANSKOM
KANTONU****Član 1.**

U Zakonu o izvršenju sankcija u Hercegovačko-neretvanskom kantonu („Službene novine HNK“, broj: 4/09) iza člana 12. DIO DRUGI – mijenja se i glasi:

IZVRŠENJE NOVČANE KAZNE I MJERA SIGURNOSTI IZREČENIH ZA KRIVIČNO DJELO I RADA ZA OPĆE DOBRO NA SLOBODI.

Član 2.

Član 14. mijenja se i glasi:

„Novčana kazna izrečena osuđenom pravnom licu izvršava se bez odgađanja direktnom prinudnom naplatom – blokiranjem računa pravnog lica u skladu s propisima kojima se reguliše izvršni postupak, ako se novčana kazna ne plati u roku utvrđenom presudom.“

Član 3.

Iza člana 16., naziv „Odjeljak B“ mijenja se i glasi:

„Odjeljak B. Zabrana upravljanja prevoznim sredstvom“

Član 4.

U članu 17. u prvom i drugom redu i članu 57. u zadnjem redu, riječi: „motornim vozilom“ zamjenjuju se riječima: „prijevoznim sredstvom“.

Član 5.

Iza člana 18., naziv „Odjeljak D“ mijenja se i glasi:

„Odjeljak D. Zabrana obavljanja određene djelatnosti“

Član 6.

U članu 19., u drugom redu, riječi: „privredne aktivnosti“ zamjenjuju se riječju: „djelatnosti“.

Član 7.

U članu 20., u stavu 1., u zadnjem redu, riječi: „privrednu aktivnost“ zamjenjuju se riječju: „djelatnost“.

U stavu 2. istog člana, u drugom i trećem redu, riječi: „privrednu aktivnost“ zamjenjuju se riječju: „djelatnost“.

Član 8.

Iza člana 20. dodaje se novo POGLAVLJE IIa – IZVRŠENJE RADA ZA OPĆE DOBRO NA SLOBODI, s članovima 20a. i 20b., kako slijedi:

„Član 20a.

Rad za opće dobro na slobodi izvršava se u pravilu u mjestu prebivališta, odnosno boravišta osuđenog i to u ustanovama komunalne, socijalne, ekološke, humanitarne ili slične djelatnosti, u skladu s

Pravilnikom kojim se utvrđuju vrste poslova i propisuju uslovi za izvršenje rada za opće dobro na slobodi.

Pravilnik iz stava 1. ovog člana donosi ministar pravosuđa, uprave i lokalne samouprave Kantona.“

Nakon donošenja Pravilnika ministar će utvrditi listu poslodavaca kod kojih se može obavljati društveno koristan rad u smislu njihove djelatnosti u okviru koje se može postići opća i posebna svrha ove sankcije.

„Član 20b.

O osuđenim licima koja izvršavaju rad za opće dobro na slobodi vodi se službena evidencija u koju se unose podaci u skladu s posebnim uputstvom koje donosi ministar pravosuđa, uprave i lokalne samouprave Kantona.“

Član 9.

Član 24. stav 2. mijenja se i glasi:

„Disciplinska mjera upućivanje maloljetnika u disciplinski centar za maloljetnike na neprekidni boravak do 20 dana, do osnivanja disciplinskog centra u Kantonu, izvršava se u disciplinskom centru za maloljetnike osnovanom na području Federacije Bosne i Hercegovine.“

Iza stava 2. dodaju se novi stavovi 3. i 4., koji glase:

„(3) Troškove izvršenja disciplinske mjere upućivanja maloljetnika u disciplinski centar za maloljetnike na neprekidni boravak na utvrđeni broj dana snosi Kanton na osnovu ugovora zaključenog

između disciplinskog centra osnovanog na području Federacije Bosne i Hercegovine i Kantona.

(4) Ugovor iz stava 3. ovog člana zaključuje Ministarstvo zdravstva, rada i socijalne zaštite uz saglasnost Skupštine i Vlade Kantona.“

Član 10.

U članu 28. dodaje se novi stav 3., koji glasi:

„(3) Maloljetniku upućenom u disciplinski centar za maloljetnike na period duži od 6 sati dnevno, osigurava se odgovarajući broj obroka hrane.“

Član 11.

U članu 65. dodaje se novi stav 2., koji glasi:

„(2) Propisi iz člana 20a. i 20b. bit će doneseni u roku od tri mjeseca od dana stupanja na snagu ovog Zakona.“

Član 12.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-XI-071/12
Mostar, 05.03.2012. godine

P R E D S J E D A V A J U Ć I

Ramiz Jelovac, s.r.

50

Na osnovu člana 39.stav 1. tačka f), a u vezi sa članom 15. stav 2. tačka h) Ustava Hercegovačko-neretvanskog kantona („Službene novine HNK”, broj: 2/98, 3/98, 4/00, 1/04, 7/04), Skupština Hercegovačko-neretvanskog kantona na sjednici održanoj dana 05.03.2012. godine, donijela je

ZAKON O ELEKTROENERGETSKOJ INSPEKCIJI

I-OSNOVNE ODREDBE

Član 1.

(Predmet zakona)

(1) Ovim Zakonom uređuju se poslovi inspekcijskog nadzora nad izvršavanjem zakona i drugih propisa

iz oblasti elektroenergetike koji se primjenjuju na prostoru Hercegovačko-neretvanskog kantona (u daljem tekstu: poslovi inspekcijskog nadzora),

(2) Poslovi inspekcijskog nadzora vrše se kod proizvođača opreme, vlasnika energetske objekata i postrojenja, izvođača radova i korisnika elektroenergetskih objekata, postrojenja i uređaja koji sa električnim instalacijama čine tehnološku cjelinu i namijenjeni su za proizvodnju, prijenos, distribuciju i korištenje električne energije (u daljem tekstu: elektroenergetski objekti i postrojenja),

Član 2.

(Predmet inspekcijskog nadzora)

(1) Poslovi inspekcijskog nadzora nad elektroenergetskim objektima i postrojenjima iz člana 5. ovoga Zakona vrše se prilikom planiranja, projektovanja, proizvodnje, izgradnje, rekonstrukcije, remonta elektroenergetskih objekata i postrojenja, ugrađivanja električnih uređaja, instalacija i trošila i njihove upotrebe.

(1) Poslovi inspekcijskog nadzora obuhvaćaju kontrolu kvaliteta električne energije, upotrebe i održavanja elektroenergetskih objekata i postrojenja u cilju ocjene njihove tehničke ispravnosti, pogonske spremnosti, sigurnosti pogona, pogonskog i drugog osoblja, racionalne upotrebe električne energije i provođenja mjera ograničenja potrošnje električne energije.

Član 3.

(Inspekcijski nadzor)

Poslove inspekcijskog nadzora iz člana 2. ovoga Zakona vrši kantonalna elektroenergetska inspekcija.

Član 4.

(Elektroenergetski inspektor)

Poslove kantonalnog inspektora elektroenergetike(u daljem tekstu: nadležni inspektor) može obavljati lice koje ima završen fakultet odnosno VII/1 stepen stručne spreme elektroenergetskog smjera ili mašinskog smjera, sa položenim stručnim ispitom i radnim iskustvom od najmanje tri godine na poslovima projektovanja, proizvodnje, gradnje ili eksploatacije elektroenergetskih objekata i postrojenja, nakon položenog stručnog ispita.

II-NADLEŽNOST

Član 5.

(Poslovi inspekcijskog nadzora)

(1) Kantonalni inspektor vrši poslove inspekcijskog nadzora nad: